



13.

Mez eur beleg euz ar Porzou
A red buhan var ho roudou,
Kemer a ra var an aoter,
En tabernacl, Korf hor Zalver. } *bis.*

14.

Skueriet bepred gant eur beleg
Ker zantel ha ken kalonek,
Karomp Jezuz hed hor buez
E sakramant he garantez. } *bis.*

15.

Itron Varia ar Porzou,
Digorit deomp porz an Envou,
Hag en distro ni a gano
Meuleudi deoc'h ha d'oc'h hano. } *bis.*

IMPRIMATUR :

Corisopiti, die 8^e Aug. 1919.

† ADOLPHUS.

Ep. Corisopiten. et Leonen.

Kemper, moullët e ti de Kerangal.

Kantik nevez

EN ENOR DA

ITRON VARIA AR PORZOU

Var don : *E Sakramant ar Biniñ.*

1.

Klevet hon deuz mouez ho kleier
Dreist hor c'hoajou, hon-lanneier,
Deut omp ama d'ho saludi,
Gwerc'hez Santel, ha d'ho pedi. } *bis.*

Diskan.

Itron Varia ar Porzou,
Stereden vor, dor an Envou,
Bezit eun deiz ouz hor gortoz
*Var dreujou porz ar Baradoz. } *bis.**

2.

Ama guintet var an huel
En amzer goz voa eur c'hastel,
Eur c'hastel kaër azioc'h ar ster,
Savet evit diouall ar ger. } *bis.*

3.

Gwestlet e voue gant hon tadou
Deoc'h-c'hui, Gwer'hez, mam ar Porzou,
Dreizoc'h eo bet/kastel ha ker
Diouallet mad e pep amzer. } bis.

4.

Deoc'h-c'hui, Gwer'hez, hirio ive
En em vouestlomp korf hag ene,
Hon diouallit hed hor buez,
C'hui eo hor Mam, hor Rouanez. } bis.

5.

Aman gwechall, hervez ar vrud
E c'hoarvezaz meur a vuzud,
Burzudour kaer hag a ziskuez
Peger braz eo ho madelez. } bis.

6.

Ama ar c'horf hag an ene
Gav ar iec'hed hag ar pare,
Ama c'hui glev kement hini
A vir galon deu d'ho pedi. } bis.

7.

Ezom hon deuz euz ho krasou,
Braz eo, siouaz ! hon ezommou ;
Mez ni a voar oc'h gallouduz
Er Baradoz dirak Jezuz. } bis.

8.

P'edo gwechall var an douar
Jezuz zente var ho lavar :
Var ho koulen eured Kana
A velaz he vuzud kenta. } bis.

9.

C'hui lakeaz Jezuz er bed,
C'hui her magaz e Nazareth ;
Penez hirio barz an Envou
E ve bouzar d'ho pedennou ? } bis.

10.

Tôlit eur zell, Gwer'hez santel,
Var gement den deu d'ho chapel
Da bardouna ha da bedi,
Truez out'ho, Gwer'hez Vari ! } bis.

11.

C'hui a garaz hon tadou koz,
Hag a skuillaz varn'ho bennoz,
Karit ive ho bugale,
Grit ma heuillint lezen Doue. } bis.

12.

Brema zo tost da bemp kant vloaz,
E voue ama brezel ha laz,
Tud dizoue, kriz ha fallagr
A glask laêrez an Hostiou Sakr. } bis.